

Primera carta de San Pablo a los Tesalonicenses

Tesalónica cuto gånare Pablo i papera cõare gaye

1 ¹Ñati Tesalónica gāna m̄ua. Ȳu ña Pablo. Mani ñarā Silvano, Timoteo mesa rāca adi papera uca ḡua. Mani Jacu Dios ñarā ña mani. Mani Ūju Jesucristo ñarā c̄uni ña mani. Ñare tuor̄unurā ñari minijuasotia mani, ñare r̄ucub̄uorona. Mani Jacu Dios queno yijaro m̄uare ito yicōri m̄ua ya usij̄u queno sajari oca c̄uti quenaroca yijaro ï.

Tesalónica gāna queno Jesure ña tuor̄unure gaye

²M̄uare tuōicōri, “Queno ya Dios m̄u”, yisotia ḡua. M̄uare yiari coji r̄uyabeto Diore busisotia ḡua. ³Mani Jacu Diore ḡua busija, “Cristore tuor̄unurā ñari queno ñre moa ñsiamā Tesalónica gāna”, yi tuōia ḡua. “Gāmeri ti mairā ñari queno gāmeri ejabuama ña”, yi tuōia ḡua m̄uare. “Mani Ūju Jesucristore tuor̄unurā ñari, ‘Riti m̄ucana t̄udi ejagu yigūji’, yi tuōiarā ñama ña”, yi tuōia ḡua m̄uare. ⁴T̄uoya ḡua ñarā m̄ua. Dios ï ti mairā ña m̄ua. “Dios ï beseana ñama ña”, ya ḡua m̄uare. ⁵Jesucristo oca ḡua m̄uare r̄iasos̄uaja, rocati goti ajere gaye meje m̄uare r̄iasocu ḡua. Dios ï rotirise rāca m̄uare r̄iasocu ḡua. “Riti bajia iti oca”, m̄ua yi masiroca ȳiñi Esp̄iritu Santo. M̄ua tu ḡua ñacatīju, “Ito bajiro ñacā ña”, yi masir̄aji m̄ua guare. Ito bajiro ḡua ñacatire ticōri, “Mani queno ñatoni mani tu ejañi ña”, yi masir̄aji m̄ua guare.

⁶Guare ticōri, ḡua ñado bajiroti ñacu m̄ua c̄uni. Jesucristo ocare boca āmicōri, ï queno yigoado bajiroti queno yi āmoc̄u m̄ua c̄uni. M̄uare tuōia būjatobitiroca gājerā ña yibojarocati, wan̄re rāca Jesucristo ocare boca āmic̄u m̄ua. Esp̄iritu Santoti ñañi m̄ua tuōia wan̄u quenaroca yigu. ⁷Ito bajiro m̄uare ï yijare Macedonia sita gāna ito yicōri Acaya sita gånare ña tiro riojo queno ñoyija m̄ua. Ito bajiro queno m̄ua yi ñoja ticōri, “Ña robo bajiro queno yir̄uja manire c̄uni”, yi tuōia jedirā yir̄aji ito gāna Cristore tuor̄unurā. ⁸Jesucristo ocare boca āmicōri Macedonia sita gāna, Acaya sita gånare riti meje goti batoyija m̄ua. Masa jeyarore Cristo ocare goti batoyija m̄ua. Queno m̄ua yigore tuōcōri, “Cristore

queno tuorünurã ñama Tesalónica cuto gãna”, yama masa jeyaro muare. Ito bajiri gua wa ucuja mua gayere masare gotibea gua. Muare masicãma ña. ⁹“Oca mua riasorise gayere queno boca ãmiyjarã Tesalónica gãna”, yire gaye tuo gua, yama ña guajure. “Diore queno tuorünucõri ñamasi meni rujeoanare rücubuo jidicãma ña”, yama ña guare. “Dios ñasagu catitiñagũre moa ñsirã yama Tesalónica gãna”, yama ña guare muare tuoãrã. ¹⁰Gaje mua gaye ado bajiro gotiama ña guare: “Dios Macu ñmacũju gagu ñ tãdi ejare bocatirã yama Tesalónica gãna”, yama ña guare. Jesuti ñami Dios Macu. Masa ñre ña siabojarocati mucana tãdi ñ catiroca yĩni Dios. Mani ñeñaro yirisere buto ti teami Dios. Ito bajiri mani ñeñaro yirise waja yigu, manire goda ñsiñi Jesucristo. Masa ña ñeñaro yirise waja Dios ñ seniri rumu Jesucristo ñami manire masorocu.

Tesalónica cutoju Pablo ñ moare gaye

2 ¹“Riasobojarã meje yicã Pablo mesa. Mani tu ña ñaja jãjarã Jesucristo ocare boca ãmicã”, yì tuorãji mua guare. ²Filipos cuto gua ñaroca ña guare busiture, gua tuoia bujatobitiroca guare ña yire, masirãji mua. Mua ya cuto gua ejaja ito bajiroti yicã masa guare. Ito bajiro guare ña yibojarocati ñ oca gua goti guibititoni gua oca seoroca yĩni Dios. ³Muare gua riasocati wisare oca meje muare riasocu gua. Queno ñajaro ña yirona, muare riasocu gua. Muare ruorona meje muare riasocu gua. Muare gua riasocati ñasarise queno riojo muare riasocu gua. ⁴Jesucristo oca riasorona yari guare cũni Dios. Ito bajiri ñ oca ñasarise riti ñ ãmoro bajiro riasoa gua. Masa guare ti seyojaro yirona meje Dios ocare riasoa gua. Dios sigũti ñ guare wanure ãmoa gua. Dios sigũti ñami gua tuoiarisere ti masigũ. ⁵Tuo seyore bajiro bajijaro yirã meje muare goticu gua. “Riti bajia iti”, yì tuoãrãji mua. “Ñiyeru bujarona meje yu ocare riasoama ña”, yiguñi Dios guare. ⁶Gua muare riasogoanare buto rücubujaro yirona meje riasocu gua. Diore rücubujaro yirona muare goticu gua. Gãjerãre cuni guare ña rücubutoni meje ñnare riasocu gua. Ito bajibojarocati Cristo ñ cũana ñari, “Guare rücubuoja”, gua yì ãmoja yiboana gua. ⁷Ado bajirojua yicu gua. Sigõ jaco iso rĩare tirũnu masoado bajiro yicu gua, muare ti maicõri. ⁸Muare buto tuo maia gua. Muare ti mairã ñari Dios oca muare riaso ãmocu gua. Muare ti maicõri queno mua ñare ãmocu gua. Ito bajiri muare yari godarona ñacãcu gua. Muare masicõri buto muare ti maia gua. ⁹Tuoja gua ñarã mua. Mua tu ñarã gua buto moagorere ãcabojabeja mua. Dios oca muare riasorã ñami, ñmua cuni moasoticu gua. Sigũjua mua guare yari mua waja yì ñsire ãmobicu gua. Ito bajiri queno ña masirona guamasiti moacu gua.

¹⁰Mani Cristore tuorünurã ñari mua rãca gua ñaja ñeñaro yĩabiticu gua muare. Dios ñ ãmoro bajiro riti yisoticu gua. Ito bajiro gua bajija ticõri, “Ñe seti mana ñama ña”, yì tuoãacu mua guare. Dios cuni ito bajiroti masiguñi guare. ¹¹“Manire goti quenocã ña”, yì masirãji mua guare. “Mani bojori bujaja mani oca seoroca yicã ña”, yì masirãji mua guare. Sigũ ñ rĩare maigũ ñ goti quenoado robo bajiro muare goti quenocu gua. ¹²Mua oca seojaro yirona ado bajiro muare goticu gua. “Dios ñ

ãmoro bajiro riti yisotiya, Dios mũare ĩ wanũtoni”, yi goti quenocu gũa mũare. Mũare beseñi Dios ĩ rotiroju ĩ rãca mũa ñatĩñatoni.

¹³Dios oca mũare gũa goti rētoɓuja, “Ĩna tuoĩa rujeoreti gotiama ĩna”, yi tuoĩabiticu mũa. “Riti Dios ocare riasoama ĩna”, yi tuoĩacõri itire boca ãmicu mũa. Dios ocare mũa tuorũnjare mũa ñeñaro yirisere mũa jidicãroca yiñi Dios mũare. ĩre mũa cuditĩñaroca yami Dios. Ito bajiri iti gaye tuoĩacõri, “Queno ya Dios mũ”, yisotia gũa ĩre. ¹⁴Mũa ya cuto gãna mũare usiroro yi codejare tuoĩa bujatobisija mũa. Judea sita gãnare cuni ito bajiroti rētayiju. ĩna comasiti usiroro ĩnare yi codeyijarã. ĩna tuoĩa bujatobitiado bajiroti tuoĩa bujatobisija mũa cuni. ¹⁵Judio masati ñama mani Uju Jesucristore siana. Diore goti ĩsiri masare cuni ito bajiroti siayjarã ĩna. ĩnati ñama guare bucõana. Ito bajiro ĩna yijare ĩnare ti wanũbeami Dios. ĩna ñama masa jeyarore ti terã. ¹⁶“Mũare cuni maso ãmoami Cristo”, judio masa mejere cuni gũa goti ãmobojarocati guare camotacã judio masa. Ito bajiro ĩna yija bũto busa seti cutirã ñama ĩna. Ito bajiro ĩna yija ti junisinicõri, “Ĩna ñeñaro yirise waja, waja yirã tuoĩa bujatomena yirãji ĩna”, yi tuoĩacãguĩji Dios.

Tesalónica gãnare mũcana tũdi Pablo ĩ ti ãmore gaye

¹⁷Tuoya gũa ñarã mũa. Mũare gũa wagoja bero nocõ mejeti mũare tuoĩa riocu gũa mũcana. Mũa tũ ñabitibojarãti gũa tuoĩariseju mũa tũju ñacu gũa. Mũare tũdi ti ãmorã ruje josabojacu gũa. ¹⁸Bũto mũare ti ãmosabojacu gũa. Yu Pablo coji meje mũare tigu wa ãmobojacu yũ. Coji ruyabeto mũa tũ yũ tigu wa ãmoja, rũmũa uju Satanás camotasotiñi yare. ¹⁹Gãjerã rētoro mũare tuoĩa wanũ gũa. “Tesalónica cuto gãna mũ oca gũa riasoja, queno boca ãmicã ĩna”, wanũ quenare rãca gotirã yirãji gũa mani Uju Jesucristore ĩ ejaroca. ²⁰“Ĩna ñama mani riasogoana”, yi tuoĩarã, mũare wanũ ñuca gũa. Riti ña iti gaye.

3 ¹⁻²Mũaare bũto ti ãmorã ñemecuti masibiticu gũa. Guama Atenas wame cutiri cutoju tũjacu. Guare bajiro Diore moa ĩsigũ ñari Jesucristo oca masare goti rētoɓuami ĩ cuni. Mũa oca seõroca ĩ yitoni ĩre mũa tũju cõacu gũa. Ito yicõri Jesucristo ocare mũa tuorũnu waroca ĩ yitoni ĩre mũa tũju cõacu gũa. ³Tuoĩa bujatomena mũa ñajare Cristo ocare mũa tuorũnu jidicãre ãmobiticu gũa. Ito bajiri mũa oca seõtoni Timoteore mũa tũju cõacu gũa. “Cristore mani tuorũnurã ñajare gãjerãma mani tuoĩa bujatobitiroca yirã yirãji. Ito bajiro manire rētare ãmoguĩji Dios bũto busa ĩre mani tuorũnũtoni”, yi tuoĩa jedia mani. ⁴Mũa rãca ñarãju maji mũare goti cũcãcu gũa. “Mũa tuoĩa bujatobitiroca yirã yirãji gãjerã”, yi goti cũcãcu gũa mũare. Mũaare gũa gotiado bajiroti rētayija. ⁵Ito bajiri mũare bũto ti ãmorã ñemecuti masibiticu gũa. Ito bajiri Timoteore cõacu gũa, “¿Jesucristore tuorũnũcũati ĩna maji?” yirona. “Ñeñaro ĩna yitoni ĩnare usiroro yi rētocũguĩji gajea rũmũa uju”, yi tuoĩacu gũa. “Ĩnare ĩ rētocũja mani moagorere ñeñogũ yiguĩji gajea”, yi tuoĩacu gũa. Ito bajiro tuoĩacõri Timoteore ti roti ñucacu gũa.

⁶Mũa tũ ejarũ adoju tũdi ejacoami Timoteo mũcana. Adoju ejacõri mũa gayere oca quenarisere goti tũdi ejami ĩ. “Cristore queno tuorũnurã ñama ĩna, ito

yicōri gāmeri ti mairã ñama ñna”, yi goti ejami ï. “Mũare queno tuoia gua”, yima ñna, yi goti ejami guare. “Guare mua ti âmoro bajiroti mũare cuni ti âmoboja gua”, yima ñna, yi goti ejami ï. 7 Ito bajiro ï gotija tuocōri, tuoia bujatobitibojarāti gua ya usijuama queno tuoia oca sēoa gua. “Cristore tuorũnu jidicābeama ñna”, ï yija tuocōri, queno mũare wanũ ñuca gua ñarã gua. 8 “Cristore tuorũnu warã yama ñna”, ï yija tuocōri, tuoia oca sēoa gua, ito yicōri mama usi buja gua. 9 Mũare tuoiacōri, “Queno ya Dios mũ”, yi jidicā masibea gua. Diore gua busija, “Cristore queno tuorũnuama ñna”, yi tuoia masicōri buto wanua gua. 10 Ñami, ñmua cuni Diore senisotia gua, mua tujũ gua ejaroca ï yitoni. Buto busa Cristore mua tuorũnutoni mua masibitire mũare riaso ãmoa gua maji.

11 Mũa tũ gua tirã watoni mani Jacũ Dios, ito yicōri mani Ujũ Jesucristo guare ejabuajaro. 12 Mũare buto ti mai waju gua. Mũare gua ti mairo bajiroti buto busa mua gāmeri ti mairoca yijaro mani Ujũ mũare. Ito yicōri buto busa masa jeyarore mua ti mairoca yijaro ï. 13 Mũa ya usiju mua oca sēo waroca yijaro mani Ujũ. Ñeñarisere jidicācōri quenarisejua riti mua yiroca yijaro ï. Ito bajiro mũare ï yija bero mani Ujũ ï ñarã rāca ï tãdi ejari rũmũ mani Jacũ Dios ï tiro riojo ñe seti mana ñarã yirãji mua.

Dios ï ti wanũre gaye

4 1 Gua ñarã gaje mũare goti ãmoa gua. “Ado bajiro mua ñaja mũare ti wanũgũ yiguĩji Dios”, yi mũare riasocũ gua. “Ito bajiro ñama ñna”, yi tuoia gua mũare. Dios mũare ti wanũjaro yirona, ï âmorisere riti buto busa mua yire ãmoa gua. Ito bajiro josa gua, mũare riasotoni mani Ujũ cūana ñari.

2 “Cristo ï riaso rotiado bajiroti guare riasocã ñna” yi masirãji mua guare. 3 Ado bajiro baja mua yiroti Dios ï âmorisere. Dios ñarã mua ñajare quenarise riti mua yire ãmoami ï. Mũa manojõ mana gãjerã romia rāca ajere ãmobeami ï. 4 Mũa manojõ bujaroto riojua romiare ajeĩamena mua ñare ãmoami Dios. Ito bajiri isore bujacōri Dios ï âmoro bajiro isore mua rũcubũoja quena. Mũa manojõsãromiare riti ti maicōri gãjerã romiare ajebeja quena. 5 Isore ti seyocōri isore ajerocũ meje manojõ cutija quena. Gãjerã Dios gayere masimena ñari ito bajiro yi âmorãji ñaõna. Ñna robo bajiro yibitirũja manire. 6 Gãji manojõ rāca ajebeja. Gãji manojõre ti uobeja mua. “Ito bajiro yirãre buto ñna tuoia bujatobitiroca yigũ yiguĩji Dios”, sēoro mũare goti cūcācũ gua. 7 Quenarise mani yitoni manire beseñi Dios. Ñeñaro mani yitoni meje manire beseñi ï. 8 Adi gua riasorisere ti terã guare riti meje ti terã yama ñna. Diore cuni ti terã yama ñna. Ñeñaro mani yirisere jidicātoni Espiritu Santo manire queo sãgũ ñami Dios.

9 Tũoya, gāmeri ti maire gaye mũare busigũ ya yũ. “Gāmeri ti mairũja manire”, mua yi masiroca yicãñi Dios mũare. Ito bajiri guama, “Gāmeri ti maiña mua”, yi ucabea gua mũare. 10 Riti queno yirã ña mua. Macedonia sita gãna Cristore masirãre ti maisotirã ña mua. “Ñnare ti maicōri buto busa ñnare ti mairũja mua”, sēoro mũare gotia gua. 11 Ado bajiro mua yi josaja quena. Ñe oca manoti queno ñaña mua. Gãjerã ñna busirise tuocōri coca oca cutibeja.

Mua ña masitoni muamasiti moaña. Gua rotiado bajiroti yisotiba mua. ¹²Ito bajiro queno mua moaja, ñeja ruyabeto yiroja muare. Ito bajiri gajeräre josamena yiräji mua. Ito bajiro queno mua moaja ticöri, Jesure tuorünnumena cuni queno muare rucubuaõ yiräji.

Mani Uju i tudi ejare gaye

¹³Tuoya gua ñarã mua. Jesure tuorünurã godana ña bajire gaye muare goti ãmoa gua. Ña bajire gaye muare goti rêtobu ãmoa gua, mua bojori bujabe yirona. “Godabojana mucana tudi caticoarã yiräji”, yi tuoia yurã meje ñama Diore tuorünnumena. Ñare bajiro tuoiarã meje ña mua. “Godabojana caticoarã yiräji”, yi tuoiarã ña mani. ¹⁴“Godacoabojañi Cristo. Ito bajibojarocati mucana tudi i catiroca yiñi Dios”, yi tuoia masirã ña mani. Iti masicöri gaje ado bajiro yi tuorünnuma mani: “Jesús i tudi ejari rumu ire tuorünngoana i rãcati baba cuti ejaroca yigu yiguji Dios ñare”, yi tuoia mani.

¹⁵Iti muare gua gotirise mani Uju guare masiroca i yirise gayere muare gotia gua. Mani Uju i tudi ejari rumu godanajua mujasuaõ yiräji. Ña riojua mujamena yiräji adi sita gãna cati ñarã. ¹⁶Ado bajiro rêtaro yiroja. Dios i rotirisena seoro busi ruji wadigu yiguji umacujuaana. Dios ñaro gãna ángel mesa uju i busirise cuni seoro ruyuro yiroja. Dios yaga jutiraga cuni seoro ruyuro yiroja. Ito yija Jesure tuorünngoana tudi caticöri muja ejasuaõ yiräji. ¹⁷Ito bajiro iti ruyuroca riti Jesure tuorünnuma ñaräre miojugu yiguji Dios. Ñare miojucöri tudi catisuoana rãca ide buerina ña muja waroca yigu yiguji Dios. Muja wacöri mani Ujare canamuaõ yiräji mani. Ito bajiri i rãca catitñarã yiräji mani ija. Ito bajiroti bajiro yiroja. ¹⁸Iti gaye gãmeri basicöri oca seõña mua.

Jesús i ejarotire mani bocatiya quena, yire gaye

5 ¹“Iti rumu ejagu yiguji mani Uju. Itocö tujaroca ejagu yiguji”, yi ucabea gua muare. ²“Iti rumu ejagu yiguji Jesús”, yi masibea mani, yi tuoia masiräji mua cuni. “Iti rumu ejagu yiguji”, masa ña yi masibiti rumu ejagu yiguji i. Riniri masu ñami i ejaja cuni, “Itocö ejagu yiguji”, yi masibea mani. Ito bajiroti, “Iti rumu ejagu yiguji Cristo”, yi masimena yiräji mani. ³“Ñe oca mano queno ñacã mani”, yi masa ña tuoïari rumu ñajasaroti guijorise ejaro yiroja ñare. Iti guijorisere sigujua rudi masimena yiräji masa. Coju rudiraju mano yiroja ñare. Romio macu rucoroco ñajasaroti iso cõro robo bajiro bajiro yiroja iti. ⁴Iti ocare tuo masimena meje ña gua ñarã mua. Ito bajiri mani Uju i tudi ejari rumu ti ucamena yiräji mani. Riniri masu i ejaja masa ña ucaro bajiro ucamena yiräji mani. Mani Uju i ejarotire bocaticãrã yiräji mani. ⁵Mani ña Dios ñarã. Ito bajiri tuo masirã ñari quenarise yi ãmoa mani. Mani ñeñaro yirisere jidicãna ñari rãitñarise uju ñarã meje ña mani. ⁶Ito bajiri queno tuoicöri mani Uju i ejaroti gaye bocaticãruja manire. I tudi ejaroti rumu canicãna robo bajiro bajibitiruja manire. ⁷Ñamire canicã masa. Ñamijuati idire idi mecucã ña. ⁸Queno tuoicöri mani Uju i tudi ejarotire bocaticãruja manire. Cristo ñarã mani ñajare mani tuo

masiroca yami ĩ. Ito bajiri ñeñaro yi ãmomena quenaro tũoĩarũja manire. Cristore mani tuorũnũja ito yicõri gãmeri mani ti majja rũmũa Ƴjũ manire ejabe yirocũ, manire camotagũ yiguĩji ĩ. “Cristore mani tuorũnũja ticõri, manire masogũ yiguĩji Dios”, yi tuoĩa yucãrũja manire. ⁹“Ĩna tuoĩa bujatobitiroca yigu yiguja yu”, yirocũ meje manire beseñi Dios. Ito bajiro meje baja. Mani Ƴjũ Jesucristo ĩ godarisena sũorititi manire masorocũ manire beseñi Dios. ¹⁰Manire yiari godaņi ĩ, ĩ rãca mani ñatĩñatoni. Ito bajiri tudĩ ĩ ejaja mani catija cũni, mani godaja bero cũni manire ãmi wacũ yiguĩji ĩ, ĩ rãca mani ñatĩñatoni. ¹¹Itire gãmeri busicõri wanũ oca sũoĩa mũa. “Ito bajiro yirã yirãji ĩna”, yi tuoĩa masi ña gua muare.

Pablo ĩ goti quenore gaye

¹²Tũoya gua ñarã mũa. Mũa wato gãna Diore moa ĩsirãre queno mũa rũcũbuore ãmoa gua. Muare riasorona ito yicõri muare goti quenoronare cũni cũni Dios. Ito bajiri ĩnare rũcũbuoya mũa. ¹³Queno ĩna muare ejabuaja ticõri, queno rũcũbuoya mũa ĩnare. Mũa ya Ƴsina ĩnare tũo maiña mũa. Ñe oca mano gãmeri baba cũtiya mũa.

¹⁴Gua ñarã gaje ado bajiro muare rotia gua. Mũa tu gãna moamenare queno ĩnare gotiya. Mũa tu gãna tuoĩa oca sũomenare ĩna oca sũoroca yiya mũa. Cristore queno tuorũnũsamenare queno ejabuaya mũa. ĩna jeyarore Ƴsirioro yimenati ñacõaña mũa.

¹⁵Queno tuoĩaña mũa. Gãjerã ĩna muare ñeñaro yibojarocati ĩnare gãmebeja mũa. Ado bajirojua yiba. Coji ruyabeto queno gãmeri yisotiba mũa. Masa jeyarore ito bajiro riti yiba.

¹⁶Diore tuoĩacõri wanũsotiba mũa. ¹⁷Diore busi jidicãbeja. ĩre busitĩñasotiba. ¹⁸Quenarise, quenabiti cũni muare rõtaja, “Queno ya Dios mũ”, yisotiba mũa. Jesucristore mũa tuorũnũrã ñajare ñajediro muare rõtandise, “Queno ya Dios mũ”, yire ãmoami ĩ.

¹⁹Diore mani cudi masitoni manire ejabua ãmoami Espĩritu Santo. Ito bajiri ĩre tũo tebesa mũa. ²⁰Dios gaye busirã ĩna busija ĩnare tũo tebesa. ²¹“¿Dios gayere busirã ñati ĩna? ĩnamasi tuoĩa rujeocõri busirãji gajea”, yirona queno tũoya maji. Dios gayere ĩna busija itire boca ãmicõri tuorũnũma mũa. ²²Jeyaro ñeñarisere tuoĩa jidicãña mũa.

²³Dioti ñami ñe oca mano mani ñaroca yigu. “Mũre riti rũcũbuorã mũ ñarã ĩna ñaroca yiya mũ”, muare yiari Diore seni ĩsisotia gua. “Quenarise riti tuoĩajaro, Cristore riti tuorũnũjaro, quenarise riti yijaro”, yirona Diore senia gua, muare yiari. Mani Ƴjũ Jesucristo ĩ tudĩ ejari rãmũ ñe seti mana mũa ñare ãmoa gua. Ito bajiri muare yiari Diore seni ĩsisotia gua. ²⁴Ĩ ñarã mani ñatoni manire beseñi Dios. Jidicãre mano manire tirũnũgũ yiguĩji ĩ. Ito bajiri ĩ ãmoro bajiro mani yi masitoni manire ejabuagu yiguĩji.

Quenajaro masa, Pablo ï yi ñucare gaye

- 25 Guare yiari Diore seni ïsiña gua ñarã mua cuni.
26 Guare yiari gãjerã Jesure tuorũnũrãre jababa ïsiña mua.
27 Mani Uju ï cũana ñari ado bajiro mũare rotia gua. Ito gãna Jesure
tuorũnũrã ñarocõti minijuacõri adi paperare tiya gua ñarã mua.
28 Mani Uju Jesucristo queno yijaro mũare. Itocõ ña.